

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Zakonodavno - pravna komisija

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 19-05-2026			
Org. jed.	Broj	Priloga	Vrijednost

Broj: 02/2-02-1198/26
Sarajevo, 19. 5. 2026. godine

Na osnovu člana 46. a u vezi sa članom 56. Poslovnika o radu Doma naroda Parlamenta Federacije Bosne i Hercegovine, Zakonodavno-pravna komisija Doma naroda Parlamenta Federacije Bosne i Hercegovine, na 26. sjednici održanoj 19. maja 2026. godine, razmatrala je:

1. Prijedlog zakona o platnim uslugama - hitni postupak,
2. Prijedlog zakona o izmjenama i dopunama Zakona o mikrokreditnim organizacijama - hitni postupak,
3. Prijedlog zakona o računima za plaćanje – hitni postupak,
4. Prijedlog zakona o izmjenama i dopunama Zakona o zaštiti korisnika finansijskih usluga - hitni postupak,i
5. Nacrt Zakona o proporcionalnoj zastupljenosti konstitutivnih naroda i Ostalih u Federaciji Bosne i Hercegovine (predlagač: Klub delegata bošnjačkog naroda u Domu naroda Parlamenta Federacije Bosne i Hercegovine).

Na osnovu člana 51. Poslovnika o radu Doma naroda Parlamenta Federacije Bosne i Hercegovine, Komisija podnosi Domu naroda sljedeći

IZVJEŠTAJ

1. Prijedlog zakona o platnim uslugama - hitni postupak

Ustavni osnov za donošenje ovog zakona sadržan je u članu III. 1. tačka c), koji je izmijenjen amandmanima VIII, LXXXIX i CVI i članu IV. A. 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije Bosne i Hercegovine donošenje propisa o finansijama, a Parlament Federacije, uz ostala ovlaštenja predviđena Ustavom, odgovoran je za donošenje zakona o vršenju dužnosti u federalnoj vlasti.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

ZAKLJUČAK

Komisija je u općem pretresu utvrdila da postoji ustavni osnov za donošenje Prijedloga zakona o platnim uslugama, ali nije postignuta saglasnost da su ispunjeni uslovi iz člana 186. stav 2. Poslovnika o radu Doma naroda Parlamenta Federacije Bosne i Hercegovine kojim je propisano da po hitnom postupku može da se donese samo zakon kojim se uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku moglo da izazove štetne posljedice za Federaciju.

2. Prijedlog zakona o izmjenama i dopunama Zakona o mikrokreditnim organizacijama - hitni postupak

Ustavni osnov za donošenje Zakona o izmjenama i dopunama Zakona o mikrokreditnim organizacijama sadržan je u članu III. 1. tačka c) koji je izmijenjen amandmanima VIII, LXXXIX

i CVI i članu IV. A 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije Bosne i Hercegovine donošenje propisa o finansijama i finansijskim institucijama Federacije i fiskalna politika Federacije, a Parlament Federacije BiH, uz ostale ovlasti predviđene Ustavom, odgovoran je za donošenje zakona o vršenju dužnosti u federalnoj vlasti.

Z A K L J U Č A K I

Komisija je u općem pretresu utvrdila da su ispunjeni uslovi iz člana 186. stav 2. Poslovnika o radu Doma naroda Parlamenta Federacije Bosne i Hercegovine, kojim je propisano da po hitnom postupku može da se donese samo zakon kojim se uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku moglo da izazove štetne posljedice za Federaciju.

Z A K L J U Č A K II

Komisija je u općem pretresu utvrdila da postoji ustavni osnov i da nema primjedbi na Prijedlog zakona o izmjenama i dopunama Zakona o mikrokreditnim organizacijama - hitni postupak, te predlaže Domu naroda da naprijed pomenuti Prijedlog zakona razmotri i usvoji u tekstu kako je i predložen.

3. Prijedlog zakona o računima za plaćanje – hitni postupak

Ustavni osnov za donošenje ovog zakona sadržan je u članu III. 1. tačka c), koji je izmijenjen amandmanima VIII, LXXXIX i CVI i članu IV. A. 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije Bosne i Hercegovine donošenje propisa o finansijama, a Parlament Federacije, uz ostala ovlaštenja predviđena Ustavom, odgovoran je za donošenje zakona o vršenju dužnosti u federalnoj vlasti.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

Z A K L J U Č A K I

Komisija je u općem pretresu utvrdila da su ispunjeni uslovi iz člana 186. stav 2. Poslovnika o radu Doma naroda Parlamenta Federacije Bosne i Hercegovine, kojim je propisano da po hitnom postupku može da se donese samo zakon kojim se uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku moglo da izazove štetne posljedice za Federaciju.

Z A K L J U Č A K II

Komisija je u općem pretresu utvrdila da postoji ustavni osnov i da nema primjedbi na Prijedlog zakona o računima za plaćanje – hitni postupak, te predlaže Domu naroda da naprijed pomenuti Prijedlog zakona razmotri i usvoji u tekstu kako je i predložen.

4. Prijedlog zakona o izmjenama i dopunama Zakona o zaštiti korisnika finansijskih usluga - hitni postupak

Ustavni osnov za donošenje Zakona o izmjenama i dopunama Zakona o zaštiti korisnika finansijskih usluga sadržan je u članu III. 1. tačka c. koji je izmijenjen amandmanima VIII, LXXXIX i CVI i članu IV. A 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije Bosne i Hercegovine donošenje propisa o finansijama, a

Parlament Federacije BiH, uz ostala ovlaštenja predviđena Ustavom, odgovoran je za donošenje zakona o vršenju dužnosti u federalnoj vlasti.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

ZAKLJUČAK I

Komisija je u općem pretresu utvrdila da su ispunjeni uslovi iz člana 186. stav 2. Poslovnika o radu Doma naroda Parlamenta Federacije Bosne i Hercegovine, kojim je propisano da po hitnom postupku može da se donese samo zakon kojim se uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku moglo da izazove štetne posljedice za Federaciju.

ZAKLJUČAK II

Komisija je u općem pretresu utvrdila da postoji ustavni osnov i da nema primjedbi na Prijedlog zakona o izmjenama i dopunama Zakona o zaštiti korisnika finansijskih usluga - hitni postupak, te predlaže Domu naroda da naprijed pomenuti Prijedlog zakona razmotri i usvoji u tekstu kako je i predložen.

5. Nacrt Zakona o proporcionalnoj zastupljenosti konstitutivnih naroda i Ostalih u Federaciji Bosne i Hercegovine (predlagač: Klub delegata bošnjačkog naroda u Domu naroda Parlamenta Federacije Bosne i Hercegovine)

Nakon uvodnog izlaganja o ovoj tački dnevnog reda, vođena je rasprava u kojoj su učestvovali članovi Komisije, ali nisu postigli saglasnost da li postoji ustavni osnov za donošenje Nacrta Zakona o proporcionalnoj zastupljenosti konstitutivnih naroda i Ostalih u Federaciji Bosne i Hercegovine (predlagač: Klub delegata bošnjačkog naroda u Domu naroda Parlamenta Federacije Bosne i Hercegovine).

PREDSJEDNIK KOMISIJE

Haris Zahiragić, s.r.

